

Լ. Ա. ԱՆՄԱՐՅԱՆ, Հայ գրական ֆենադատությունը XIX դարի 70—80-ական թվականներին, ՀՍՍՀ ԳԱ հրատարակչություն, Երևան, 1979, 350 էջ:

XIX դարի երկրորդ կեսը մեր ժողովրդի կյանքում փոթորկալից շրջան էր ինչպես հասարակական-քաղաքական, այնպես էլ գեղարվեստական առաջընթացի տեսակետից: Այդ շրջանի քննադատական միտքն ուսումնասիրող գիտնականները հաճախ են բանավիճել թե՛ սոցիալ-քաղաքական, գրական-հասարակական տեղաշարժերի, և թե՛ ազգային մշակույթի մեջ առանձին գործիչների կատարած ներդրումների գնահատության հարցերի շուրջը:

XIX դարի 70—80-ական թթ. գեղարվեստական առաջընթացի տեսակետից նախանշում էին հայ հասարակական և գրական կյանքի մի նոր շրջափուլը: Առաջին հայացքից թվում է, թե հիշյալ քսանամյակի գրաքննադատությունը ուսումնասիրված է տարբեր առումներով, առանձին գրողների գրական ժառանգության գնահատման, աշխարհայացքային ըմբռնումների բացահայտման միջոցով: Սակայն այդ պրոբլեմը ըստ էության չի դրվել, կամ լուծվել է մասնակի խնդիրների ձևով:

Հայ գրաքննադատությունը սկզբնավորվել է ավելի վաղ շրջանում, հայ նոր գրականության ստեղծման հետ միասին: Այնպես որ Լ. Անարյանի սույն ուսումնասիրությունը ամփոփում է դրաքննադատության երկրորդ շրջափուլը, երբ քննադատությունը իր ինքնուրույնությունը հաստատելու ճանապարհին ձգտում էր կազմակերպել գրականությունը և գիտականորեն հիմնավորել նրա օրինաչափությունները: Քննադատները վարում էին բաղմամբ թանապիտ, որոնք բարենպաստ միջավայր էին ստեղծում ընդհանուր զարգացման համար: «Արևելյան մամուլի», «Մեղու Հայաստանի», «Մշակի», «Փորձի», «Գործի», «Արձագանքի», «Նոր դարի» շուրջը համախմբված քննադատները բաժանում էին տաղանալից անհանդուրժողական գրականության բախտի համար: Չէին բացառվում և ծայրահեղությունները: Սակայն կարևորը ոչ թե դրանք էին կամ չափազանցությունները, այլ այն, որ դրանք շատ բան

են տվել գրականությանը նրա դժվարին գոյամարտի պայմաններում:

Գրախոսվող աշխատության հեղինակը ցույց է տվել, որ այս շրջանի քննադատները ժառանգել էին նախորդների քաղաքացիական ոգին և հրապարակախոսական շունչը և դրանք զարգացնում էին բարոյագիտական թեքումով: Տարբերությունն այն էր, որ նրանք ստեղծագործում էին նոր իրադրության մեջ և նոր նյութի հիման վրա: Նրանք թեև պրոֆեսիոնալներ չէին, բայց աշխատում էին քննադատությունը մղել դեպի ինքնուրույնության և մասնագիտացման ճանապարհը, յուրացնել ժամանակի գրական-գեղագիտական ձեռքբերումները, որոնք զալիս էին եվրոպական և առաջին հերթին՝ ռուսական միջավայրից:

Գրականագետը տեղին է նկատում, որ հայ քննադատական միտքը, շփվելով եվրոպական և ռուսական փիլիսոփայական-գեղագիտական ուղղությունների հետ, դործնականորեն օգտվել է նրանց առաջ քաշած որոշ դրույթներից, սակայն՝ հաշվի առնելով տեղական պայմանները: Կենսական պահանջներից է բխել, օրինակ, Գր. Արծրունու, Ա. Արփիարյանի, Ե. Տեմիրձեպաշյանի և այլոց շփումը Օ. Կոնտի փիլիսոփայության հետ: Մանավանդ բավական հստակ է ներկայացված հայ քննադատական մտքի զարգացման ուղղությամբ XIX դարի ռուսական գեղագիտական մտքի խաղաղած դերը: 1870—1880-ական թթ. սերունդը շատ գծերով առնչվում էր ռուս գրաքննադատության մեծ ներկայացուցիչների՝ Բելինսկու, Չերնիշևսկու, Դորրոյուբովի և այլոց ժառանգությանը կյանքի և գրականության հարաբերության և այլ հարցերի կապակցությամբ:

Լ. Անարյանի մենագրության մեջ ի մի են բերված հայ գրականության և քննադատության երկու հատվածները՝ արևելահայ և արևմտահայ ու այդ երկուսը դիտված են իբրև մի ժողովրդի ընդհանուր և միասնական սեփականություն: Ճիշտ է, հայության երկու հատված-

ները գտնվում էին տարբեր քաղաքական ուղորդ-
ներին մեջ, բայց գրականությունը և քննադա-
տությունը միավորում էին ժողովրդի ոգին,
ինքնուրույն նկարագրի: Հեղինակը կարողա-
ցել է ցույց տալ կրկու հատվածների քննադատ-
ների ձգտումը՝ ժողովրդի ոգին գրականության
մեջ ավելի վառ դրսևորելու առումով: Բայց
որտեղ էր ի հայտ գալիս այդ ոգին, նրա
ինքնուրույնությունը, եթե ոչ այն հատվածում,
որն ավելի սերտ էր կապված մայր հողին, ժո-
ղովրդական դարավոր ավանդույթներին և վարժ-
ու բարձր: Ժողովրդական առողջ արմատին
դիմելու կոչ էին անում Մ. Մամուրյանը,
Կ. Տյուրյանը, Ա. Արիստիսյանը: Նրանք մատ-
նացույց էին անում արևելահայ գրականու-
թյունը, որտեղից շատ բան կարելի էր սովոր-
ել ու տարածել ընդհանուր ազգային գրակա-
նության մեջ: Սա քննադատության դասերից
մեկն էր:

Մենագրության մեջ ցույց է տրվում առաջա-
վոր քննադատության դերը ռուս գրականության
փորձի տարածման ուղղությամբ: Գր. Արծրու-
նին, Ս. Հախումյանը, Կ. Տյուրյանը և ուրիշ-
ներ կոչ էին անում ավելի ուշադիր լինել դեպի
այդ մեծ հարստությունը՝ հայ նոր գրականու-
թյան զարգացման գործը ապահովելու համար:

Այս շրջանում ընդգծվում է պայքարը «ար-
վեստը արվեստի համար» տեսության դեմ:
Գր. Արծրունին, Բաֆֆին և ուրիշներ պաշտպա-
նում էին «արվեստը կյանքի համար» սկզբուն-
քը գրականության և քննադատության մեջ:
Ընդհանրապես Գր. Արծրունին առաջիններից
էր, որ պաշտպանում էր ռեալիզմը, գրականու-
թյան հասարակական նշանակությունը՝ օգտա-
պաշտության դիրքերից, քննադատում պատմա-
կան ողբերգությունները, որոնք, ճիշտ է, հայ-
րենասիրական գաղափարներ էին արթնացնում
հասարակության մեջ, բայց նոր ժամանակնե-
րում չէին նպաստում ժողովրդի գեղարվեստա-
կան առաջընթացին: Այդ նույն տեսակետից
թույլ էին նաև եվրոպական մեղրամայի
հնացած արտադրանքները: Դրանց փոխարեն
Գր. Արծրունին պաշտպանում էր ռեալիստա-
կան գրականությունը, մասնավորապես կենցա-
ղային դրամատուրգիան: Բաֆֆին և Արծրունին
գրականության անձնաքննական ուղղության
կողմնակիցներ էին: Նրանք գտնում էին, որ եթե
համաշխարհային գրականության մեջ մեծ դեր
են կատարել Գյոթեն, Շիլլերը, Շեքսպիրը
և ուրիշներ, իրենց գեղարվեստական գրվածք-
ներով ազդել ազգերի մտավոր և բարոյական
կյանքի վրա, ապա առավել մեծ դեր են կա-
տարել Ֆրանսիայում Վոլտերը, Գերմանիայում
Հայնե, Ռուսաստանում Գոգոլը՝ դիմելով ինք-
նաբնադատության ինքնազննման մեթոդին:

18*

«Սալբի» առաջաբանում Բաֆֆին գրում էր-
«Ռուսները են այն կախարդական հայելիքը,
որոնց մեջ ազգերը՝ տեսանելով յուրյանց
կյանքի տգեղ և ավերված պատկերը, յուր-
յանց մոլորությունների ամոթալի նկարագիրը,
ուսանում են շինել և բարեկարգել յուրյանց
դրությունը»¹:

Բաֆֆին պաշտպանում էր ռոմանտիկական
վեպի տեսությունը, որը առաջադիմական նշա-
նակություն ուներ ոչ միայն նախորդ, այլև
1870—80-ական թթ.: Նա տվել է ծրագրային,
ժամանակակից վեպի տեսությունը՝ կապված
ժողովրդի ազատագրական ձգտումների հետ:
Այդ առթիվ Բաֆֆին սուր բանավեճ էր վարում
«Մեղու Հայաստանի» լրագրի աշխատակից Հայ-
կունու հետ, որը հակադրվում էր գրող քննա-
դատի ազատագրական միտումներին:

Լ. Սամարյանը ցույց է տալիս, որ Բաֆֆին
ստեղծել է նաև հայ պատմավեպի տեսությու-
նը: Ըստ վերջինիս՝ գրողին նյութ է տալիս ոչ
միայն ժամանակակից կյանքը, այլև պատմա-
կան անցյալը: Բայց այդ անցյալը ևս քննա-
դատը փորձում էր ծառայեցնել իր ժամանակի
կարևոր խնդիրներն արծարծելու նպատակին:
Բաֆֆին, իհարկե, չէր ժխտում գեղարվեստա-
կան երևակայության դերը, բայց նա դեմ էր
սին երևակայությանը և այդ առումով չէր ըն-
դունում Ալ. Դյումային:

Գրական քննադատությանը խոշոր ծառայու-
թյուն է մատուցել Ստ. Պալասանյանը, որը
Մ. Մամուրյանի և Բաֆֆու նման պաշտպանում
էր իր ժամանակի ռոմանտիկական գրականու-
թյան ավանդույթները: Նրա քննական վերլու-
ծությունները Սերվանտեսի, Շեքսպիրի և այլ
հեղինակների վերաբերյալ արժեքավոր շատ
բան են պարունակում:

Լ. Սամարյանը անդրադառնում է նույն թվա-
կանների ռեալիստական գրականության ու
քննադատության հաստատման գործում: Զ. Պա-
րոնյանի ջանքերին, որի քննադատական ժա-
ռանգությունը ժամանակակիցների կողմից թե-
րազնահատվել է: Խիստ սկզբունքային էր Պա-
րոնյանը, երբ պայքարում էր բանաստեղծու-
թյան, դրամատուրգիայի, վիպագրության մեջ
առկա սխալ միտումների դեմ: Պայքարելով
ռեալիզմի հաստատման համար, նա ցույց էր
տալիս այն թերություններն ու ճեղքվածքները,
որոնք քննություն չէին բռնում ռեալիստական
գեղագիտության տեսանկյունից: Հիշենք Ս. Տյու-
սարի «Մայրաքաղաք» վեպի վերաբերյալ նրա դիտո-
ղությունները ժամանակին այդ վեպի շուրջը

¹ Բաֆֆին, Երկերի ժողովածու, հատ. 1,
Երևան, 1962, էջ 65:

նշանավոր գրողների ու քննադատների կողմից ծավալած բանավեճի տեսադաշտի վրա: Եթե Պարոնյանը աշխարհայացքային առումով հըստակ էր և սկզբունքային, ապա և Տեմիրճիպաշյանի մոտ իշխողը էկեկտիզմն էր: Լ. Ասմարյանը ցույց է տալիս քննադատի այս ներքին հակասականությունը: Մի կողմից համաշխարհային մեծությունների գնահատում, Տ. Կամսարականի «Վարժապետին աղջիկը» վեպի պաշտպանություն, որ ռեալիստական սկզբունքի պաշտպանություն էր և մյուս կողմից՝ ումանտիզմի ու նիրվանայի քարոզ: Սակայն այդուհանդերձ, նա շատ բան է արել 1880-ական թթ. հայ ռեալիզմի սկզբունքների հաստատման համար և Հ. Պարոնյանի ու Կ. Տլուրյանի հետ անպայմանորեն արևմտահայ ուսուցանականների նախապատրաստողներից մեկն է:

Գրական իրապատկան ուղղության հաստատման պայքարին մեծ ուժեր նվիրաբերեց «Արևելք» թերթի գրական շարժման ղեկավար Ա. Արփիարյանը, որն իր շուրջը համախմբեց երիտառարդությունը (Գ. Զոհրապ, Տ. Կամսարական, Լ. Բաշալյան): Նա առաջ էր քաշում և ումանտիզմի ուղղությունից օգտվելու հարցը, բայց ըստ էության, ամենահեռանկարայինը ռեալիստական գրականությունն էր և իրրև քննադատ Արփիարյանը պայքարում էր այդ գրականության համար: Մեր օրերում, հատկապես վերջին տասնամյակում, գրականագիտության մեջ ընդգծվել է մի միտում. դա գրողի ստեղծագործական լաբորատորիայի ուսումնասիրության հարցն է: Լ. Ասմարյանն այդ ձեռքառումը նկատել է և Ա. Արփիարյանի մոտ: Գրողն, ըստ Արփիարյանի, ժողովրդի ապրումների թարգմանն է: Հակադրվելով Ստ. Պալասանյանին, որ աղբատ էր համարում հայ կյանքը, որն իբր գրելու նյութ չէր տալիս, Արփիարյանը հայ գրողի նյութը համարում էր անսպառ. «...Մեր կյանքը խորհրդածության և նկարագրության այնքան առատ նյութ կրնա մատակարարել պատմաբանին ու վիպասանին, հնագետին ու հոգեբանին, իմաստասերին ու քանաստեղծին, որքան թերևս կարող չլլա ընփայլ օտար ազգերի շատերու կյանքը»²:

² «Արևելք», 1889, 23 փետրվարի:

Լ. Ասմարյանը բացահայտում և հերքում է 1880-ական թթ. մասին եղած թյուր կարծիքները: Այն տեսակետն, օրինակ, թե 1877—78 թթ. ռուս-թուրքական պատերազմից հետո հուսալքման տարիներ էին և գրականության զարգացումը դրանով էր պայմանավորված, նա համարում է սխալ, քանի որ գրաքննադատության տված փաստերը այլ բան են վկայում: Ազատագրական ձգտումները շարեցին, պարզապես դրանց առկայությունը ուշադրությունը բեռնվեց ներքին հոգսերի վրա:

Լ. Ասմարյանի ուշադրությունից չեն վրիպել 1880-ական թթ. քննադատության նոր երևույթները՝ ռեալիզմի նոր, քննադատական փուլի, դեմոկրատիզմի և ժողովրդայնության գաղափարի խորացման հարցերը Ա. Շիրվանզադեի, Մ. Աբեղյանի (Վարսամ), Գ. Մնգիբաբյանի և այլոց հայացքներում:

Գրախոսվող աշխատության մեջ միաժամանակ ցույց են տրվում այն ակունքները, պայմաններն ու հանգամանքները, որոնց շնորհիվ հասունացան հայ նոր բանաստեղծության մեծածերը՝ Հովհ. Հովհաննիսյանը, Հովհ. Թումանյանը, Ավ. Իսահակյանը:

Մի ցանկություն. թեկուզև աչքաթող չեն արվել ազգային հասարակական հասանքները, սակայն Լ. Ասմարյանը քիչ է ուշադրություն դարձրել 1877—78 թթ. ռուս-թուրքական պատերազմի ազդեցությանը հայ գրականության վրա: Միաժամանակ վերոհիշյալ քսանամյակի հայ գրաքննադատական միտքը գնահատող այսօրվա գիտնականների հետ նա քիչ է բանավիճում: Իսկ դա մեծ շնչառություն կտար նրա առաջ քաշած դրույթներին, կհաներ նրան փաստերի՝ որոշ դեպքերում նկատվող էմպիրիկ շարադրանքից, և աշխատությունը սրանից անպայման կշահեր:

Լ. Ասմարյանի մենագրությունը առաջինն է XIX դարի 70—80-ական թթ. հայ գրական քննադատության գիտական ուսումնասիրության քննադատում և օգտակար կլինի հայ քննադատական մտքի պատմությունը ամբողջացնելու և ընդհանրացնելու հետագա ջանքերում:

Բանասիր. գիտ. ինկնածու
Ռ. Մ. ՍԱՀԱԿՅԱՆ